

aliis alimentis, maxime grossum. Idem etiam aliquando præstant opiata, alias minus, saltim externe, oculis proficua.

Roborant, quæ concentrant etiam magis radios, & sic debilibus spiritibus succurrunt, vt perspicilia, quibus adhibitis aliquo tempore, sæpe ita recreantur oculi, vt succedente tempore iis carere possint ægri. Varianda hæc sunt in conuexitate pro pupillæ mechanica diuersa, alia pro lusciosis, *Minnen-Gläser* dicuntur, alia pro aliis.

Roborant, quæ excessum omnem alium tollunt, vel mitigant. Remedio opus est, inquit *Seneca*, quo purgetur acies, & officientem sibi noxam effugiat. Non est, inquit, quod protinus imbecillem aciem committas aperto lumini, a tenebris primo ad vmbrosa procede, deinde plus aude, & paulatim claram lucem pati adfuesce &c. &c. *epist. 49.* vnde plura huc addi merentur.

III. *Obex tollendus, seu quod oculis oppositum moratur aciem, positivè magis, remouendum est.*

Remouent exterius illa extergentia, dissipando, & actuali quoque aliquando defricatione. Quando enim glaucoma adest, nonnunquam frictio lenis cum pumice prodest, vt sic læuigetur cornea, sed caute admodum.

Remouent acus, siquidem concrementum sit satis crassum, vt acu immissa per corneam ad latus conuoluatur, & ad fundum oculi deprimatur, restituto sic statim sæpe visu, sed non statim impendendo, per dicta.

Neque desperandum est statim, etiamsi non e vestigio idem redeat, mora & expectatione etiam hic opus est, ad roborandum debilitatum elaterem, ad disiiciendum & dissipandum coagulum, ad alterandos humores, & spiritus.

Antecedentia hinc spectanda quoque, vt tententur reliqua omnia, vt præmittantur vniuersalia, inprimis purgantia, ad tollendum affluxum, vt probe diiudicetur, an tolli possit, pupilla non angustata, sed patente satis, quæta cataracta, & oculi bulbo cæteroquin bene habente.

Ope-